

ipso agisse, ceterosque ut hoc faciant docuisse perhibeatur. Sed absit hoc in tanto talique generali catholice Ecclesie magistro, ut qui universas perplexas Scripturæ quæstiones, quæ sibi contrariae videbantur, eique ad explanandum vel tractandum occurserunt, nunquam dissidentes relinquere consuevit, sua sibimet dicta discordantia reliquistet. Huc usque in synodo Parisiensi sapientes illi, quos superius numeravimus, hærentes in salebris, in syrtibus navigantes, e quibus emergere nesciant, præcluso semel ab iisdem aditu veritati, qui si patuisset, aperita luce, ipsius veritatis radiente fulgore, perspicue intellexissent, his S. Gregorii scriptis ad Secundinum illustratam esse obscuritatem ejusdem litterarum ad Serenum, nimurum vetitum in illis a S. Gregorio cultum latrie impendi imaginibus sacris, rationi vero decentem assertum et suo exemplo demonstratum in dicta epistola ad Secundinum.

XLV. Adversarii reprehensione digni. — Sed ut hæc certiora fiant, quid de hujuscemodi ante sacras imagines prostratione et adoratione ejusdem S. Gregorii papæ neconon Eleutherii viri sanctissimi idem eodem volumine Adrianus pontifex scribat, sic accipe: « Sed et S. Gregorius papa in monasterio suo publicum fecit oratorium, et ipsum diversis historiis pingi fecit, atque sacras ibidem erexit imagines: ubi et cum beato Eleutherio pro ægritudine stomachi sui ingressus, in oratione pariter exauditi sunt. Et ille vir sanctus Eleutherius, quem dicunt et mortuum suscitasse, ante ipsas sacras imagines se prosternens, divinam exorare clementiam cum sancto Gregorio non dubitavit; sed fidem ferentes perfectam, pariter exauditi sunt, et usque hactenus apud nos eadem venerantur. » Hæc de sancto Eleutherio atque Gregorio.

Vidisti, lector, re ipsa prostratum ante sacras imagines sanctum Eleutherium cum Gregorio pro recuperanda ejus valetudine exorasse, ut nihil sit quod queras interpretationem verborum, ubi ipsa facta proclamant. Ex quibus pariter intelligas quam procul absit ab adversariorum fatua illa assertione, quod Adrianus professus se cum S. Gregorio eamdem sequi-sentientiam, adversus septimam synodum adorationem sacrarum imaginum condemnaret, cum potius ex ejus scriptis validissime roboraverit.

Mirandum plane atque dolendum est præclariores hujus saeculi ejus provinciæ viros nominatim superius recensitos sub duobus imperatoribus Carolo et Ludovico adeo contentiose, et animo penitus refractario, pertinaci studio, indefesso conatu, inflexibili proposito voluntatis adversus adorationem sanctarum imaginum contra septimam synodum obstre-

A paisse, clamasse (et pace eorum dixerim) insanisse, ut nihil reveri tecumenicæ synodi majestatem, neque tot pro ea pugnantium Romanorum pontificum potestatem, usi patentibus, ut vidisti, mendacia, male perceptæ Gregorii papæ sententia innitentes, a communi Ecclesie catholice sententia resilierint, atque adversus ejus usum atque doctrinam scripserint, turbasque miscerint, spicula calumniarum intorserint, aliaque plura conjunxerint sua ipsorum existimatione prorsus indigna, dum in suum ipso rum errorum Gregorium ipsum penitus rehantem et contra sentientem adducere, et ejus erroris auctorrem cogerent profiteri.

XLVI. Gregorius cultor imaginis sanctæ crucis. — At insuper et iudicem ipsi asserunt suis Gregorium imaginis sanctæ crucis adoratorem: quod summa cum laude magna gloria unus ex novinatis idem qui supra Jonas episcopus Aurelianensis adversus Claudiū Taurinensem episcopum agens, sic ostendit, cum hæc ait: « Beatus Gregorius, de cuius dictis nemo, nisi immemor salutis suæ, ambigit, in libro Sacramentorum ita meminit: Deus qui Unigeniti tui Domini nostri Jesu Christi pretiosa sanguine humannum genus redimere dignatus es, concede propitiis ut qui ad adorandam vivificam crucem adveniunt, a peccatorum suorum nexibus liberentur. » Hæc et alia plura quibus asseritur Gregorius S. crucis imaginem adorasse, et alios ut idem facerent docuisse, Jonas assert.

Sed qui bene offert, male dividit Jonas, dum videbit asserens in Gregorio cultum crucis, neget in eodem cultum sacrarum imaginum. Cur male dividit quæ ipse bene conjungit? Nonne ipse simul eadem veneratione imaginem sanctissimæ Dei genitricis et imaginem crucis ex Judæorum synagoga in ecclesiam voluit reportari, ut dictum est nuper ex ejus epistola ad Januarium? An non etiam idem ipse simul imaginem Salvatoris crucis conjunxit imaginis, dans ambas Augustino, ut iisdem munitus ingredetur (quod Beda testatur) in Angliam? Cur, inquit, cultu male dividit, quas ipse una eademque religione sancte pieque conjunxit imagines crucis et Salvatoris? At nihil est quod in contrarium asserri possit: hæc satis ad concilii Nicenæ, Gregorii atque Adriani defensionem. Deducta jam e controversiarum spinetis et carduis, in planum et latum campum emergat oratio. At Carolo nulla quies: qui post concilii Francofurtensis tumultus, ad bellicos revocatus labores, cum expeditione adversus Saxones rebellantes profectus, eos Dei beneficio in ditionem accipit: haec annales sepe citati Francorum.

DE EADEM SYNODO.

[Ex Fabricio Biblioth. med. et inf. Latinitatis.]

Capitulare de imaginibus non frangendis nec adorandis, sed ornamenti et memorie cause habendis, in eadem Francofurtensi synodo, auspiciis Caroli, Romani missum et distinctum in libros quatuor hoc titulo: *Opus illustrissimi et excellentissimi seu spectabilis riri, etc. (Vide infra)*. De hoc opere ita Georgius Cassander, epistola ad Joannem Molinum data an. 1560, pag. 1103 Operum: « Quatuor illos libros adversus synodum Graecorum de adorandis imaginibus Nicæ habitam *insignes* appellavi, primum quod illustrissimi regis Caroli nomine et auctoritate, assentiente universa synodo, cui et legati Romani pontificis intererant, conscripti et editi sint. Deinde quod videam eos libellos in pretio et honore semper habitos fuisse; asservatur enim hoc volumen Caroli Rome in bibliotheca Vaticana penitiore, ubi non nisi insignes et eximi libri reponi solent... Meminerunt ejus apud veteres, qui de concilio Francofurtensi scripsérunt, et Hincmarus archiepiscopus Rhemensis, vir rerum ecclesiasticarum peritissimus et stu-

D diosissimus, et proxime superiori ætate Nicolaus de Cusa ex auctoritate ejusdem Hincmari: nostra vero ætate Augustinus Steuchus, Eugubinus episcopus, bibliothecarius pontificis... Breviter, citatum honorifice hoc volumen et laudatum lego, damnatum, reprehensum, imo vel notatum non lego. Quod si quis Carolum imperatorem contemnat, certe talis a scriptoribus ejus ætatis habitus non est; et quod illi peritiae rerum et sacrarum deficit, id assidua consuetudine doctissimorum virorum supplevit, in quibus facile princeps fuit Alcuinus, ab aliquibus Albinus dictus, cuius præcipue opera hos libros conscripsit ut credam, facile adducor, cum et ille rerum sacrarum peritissimus fuerit, et Carolo familiarissimus, et stylus satis congruat; i.e. integrum quoddam caput in hos libros totidem fere verbis in commentariis in Joannem ejusdem Alcuini positum deprehendi, ut prorsus Alcuini esse videatur; quod tamen Carolus, sententiam totius synodi Francofurtiane secutus, pro zelo sua fidei suo nomine conscribi et

evulgi voluerit, illud certe constat, synodum illam Græcorum Nicæa iterum habitam in celebri illa nodo Francofordiensis rejectam fuisse, qua parte statuebat imagines sanctorum adorandas, omnesque, Gal-

icanas præcipue Ecclesiæ, in eadem sententia fuisse, ut indiscretam illam imaginum adorationem, quam Græci exigere videbantur, improbaverint. 1

(a) DE SYNODO FRANCOFORDIE NSI

FRANCISCI LAURENTII SURII AD LECTOREM ADMONITIO.

(Ex Mansi, ampl. Col. cone.)

Synodi apud Francofordiam habite non pauci scriptores meminerunt, et nostre quoque ætatis heretici plurimæ eam jactitant, tanquam in illa damnata sit œcuménica synodus Nicæna secunda, quæ statuit imagines pie ac religiose venerandas. Atque ad hanc suam sententiam stabilieram citant Reginonem, abbatem Urspergensem, et quosdam alios, cum tamen et in Reginone et Urspergensi non obscura utriusque deprivati vestigia liceat animadverteri, aut certe Urspergensis lapsus sit, dum sub Irene ait Constantinopoli synodum habitat: et si quos præterea allegant, id more suo faciunt, id est, fide non bona. Jam vero etiam ipsi hac in re tam belle inter se concordant, ut etiam illis accedere velis, nescias cui potissimum fidis habenda sit. Verum hoc apud id genus homines jam antiquitus in more positum est nullius pensi habere qua fide rem gerant, modo suum errorem utcunque adstruxisse videantur. Hoc autem pro comperto habendum est, in synodo Francofordiensi nihil actum esse contra Nicænam synodum, sed eam potius damnatam esse quæ sub Constantino Copronymo imperatore impissimo ab iconomachis habita est Constantinopoli contra imagines, quamque illi septimam œcuménicam dici voluerunt, sed impetrare frustra conati sunt. Hoc enim est quod Urspergensis ait, eam nec septimam, nec aliquid dictam esse, sed quasi supervacuum ab omnibus abdicatum. Porro ad synodum Francofordiensem frequentes admodum, id est, plus minus trecenti ex Germania, Gallia, Italia episcopi conveniebant, nec Adrianus pontifex suos voluit legatos abesse: quæ res in causa fuisse putatur, quod Patres qui illi interfuerunt, eam plenariam vocarunt. Nec tamen sola imaginum controversia illic agitata est, et contra iconomachorum pseudosynodum Constantiopolitanam prolatam sententia, sed etiam Elipani heretici; qui tum sedis Toletanæ in Hispaniis erat epi-

(a) *Francofordiense.* Sic dictum a Francofordia, quæ est ad Mœnum fluvium posita: de qua hæc Adrianus Rom. in Theatro urbium: « Francofordia ad Mœnum sita, vulgo *Francfurt am Main*, ad distinctionem alterius Francofordiae ad Oderam sitæ, antiquitus Helenopolis, ab imperatrice Helena Constantini Magni matre vocata. Alii dicunt hanc civitatem anno 774 extrui cœptam a Francofornibus sub rege Carolo Magno, postea vero collapsam et a Franco Marcemiri IV filio (uti scribit Hunibaldus) duce Francofornicis restauratam, ab eoq[ue] denominatam. Civitas hæc in duas partes a Mœno perfluenta distinguitur,

scopus, impium dogma Christum Dei Filium adoptivum asserens profligatum est. Atque hæc pars sola in his, quæ jam edimus, exstat, aliis omnibus, quæ contra Iconomachos acta sunt, prorsus aut amissis, aut certe alicubi alius delitescentibus. Quod qui acciderit, etsi certo affirmare non possumus, tamen probabilis conjectura est, factum id esse opera illorum, qui quatuor illos libros contra Nicænam secundam synodum conscripserunt, qui hodie sub Caroli Magni nomine typis excusi visuntur, non absque insigni contumeliam tam sancti et catholici principis, et putida fraude hereticorum nostrorum, qui se evangelicos dici volunt: quorum incredibilis impudentia etiam in hoc appareat, quod cum multis omnibus docere vellint in Francofordiensis concilio rejectum esse Nicænum secundum, afferunt pro se decretum Francofordiensis synodi, quo illorum deplorata mentiendi et quidlibet flingen illi libato ita coarguitur, ut mirum sit illos unquam in cujusquam boni viri ausos esse prodire conspectum. Est autem decretum hujusmodi, aut potius decreti particula quædam: « Allata est, inquit, in medium questio de nova Græcorum synodo, quam de adorandis imaginibus Constantinopoli fecerunt. » Ubi homines versuti oum vellet lectori persuadere, Nicænam synodum hic intelligi oportere, decretum Francofordiense corruperunt quidem, sed mirabili Dei iuricio, ut illorum impostura omnibus proleretur, oblieti sunt Constantinopolim eradere, atque ejus loco Nicæam substituere. Jam vero dum Constantinopolis relicta est, nemo tam stupidus est, qui non aninadvertat eam synodum Francofordie explosam esse, cuius supra meminimus, quæ sub Constantino C. pronymo ab iconomachis habita est Constantinopoli. Sed valeant isti cum malis artibus suis.

quæ ponte lapideo connectuntur. De hac civitate ita canit quidam:

..... rapido quæ proxima Mœno
Citra situ potu illa que frequens, vicique decora
Inde trahit nonen: nam Teutonus incola dixit
Francofurt: mihi sed liceat sermone Latino
Francorum dixisse vadum, etc.

D Civitas hoc tempore est imperialis, ac binis mundinis quotannis celeberrimum nobilissimumque totius Germania emporiū. Hic Romanos reges eligi a principibus electoribus mos est: pluribus aliis privilegiis hæc civitas ab imperatoribus donata est.

IN EAMDEM SYNODUM MANSI ADNOTATIO.

Utrum hoc concilio acta concilii Nicæni II de cultu imaginum reprobata fuerint.

Ita docuerunt hoc tempore Alanus dialog. iv, cap. 18 et 19, et dialog. v, cap. 12 et 13; Sanderus lib. ii de Imaginibus, cap. 5, et lib. vii de visibili Monarchia, num. 613; Surius in præstatione hujus concilii, verbo, *Concilium*; Vasqui lib. ii de Adoratione imaginum, disp. 7, cap. 5 et seq.; Suarez, tom. I, pag. 3, disp. 54, sect. 3. Confirmatur auctoritate concilii Senonensis in decretis fidei capite 14, ubi sic ait: « Carolus Magnus Francorum

rex Christianissimus Francofordiensi conventu, ejusdem erroris (iconomachie) suppressit insaniam quam infelicissimus quidam Felix in Gallias et Germaniam invexerat. » Platina in Vita Adriani sic ait: « Biennio post Theophylactus et Stephanus episcopi insigne Adriani nomine Francorum et Germanorum synolum habuerunt, in qua et synodus, quam septimam Græci appellabant, et heresis Feliciona de toleantibus imaginibus abrogata est. » Idem fere dicit Paulus Aëtius lib. ii de Gestis Francorum proprie timem: ait enim concilium Francofordiense egisse